

BANA SAMIN ZƏPKONO



Ləptəmanzə — Watson Goodman

Ladobe gənyı — desulbe

BANA SAMIN ZƏPKONO

“Bana Samin Zəpkono” də kəreno ayawa Kitawu Tahirbe foto foton gowotə. Suro kitawuwaben kitawubima bayanna Kitawu Tahirgai bawo.

Mana Alabedə samin zəpkono. Shi kuru karəgə kam awo Alaye səraana kəndoro karəgən kənaa nguduabe maro faidaa. Sa kamye təpsə, bigə kəndo wazə, Bargaande Yisa Almasihuga karəgənzəro isə gagəro hadanzəgə, kuru kəla jirenzəben bargaaende Yisa Almasihuga shafamanzəro kasatciya, Kəmaye kəlanzəga shiro bayanzəgə hatta kuru karəgə shi kam shiga kasatsəna adəbemarə karəgə kəji-a tamtam-a səkkın. Wuma tamtam adəmadə təng 1937 lan wuga suwandəna ngaima kunkuntensoro suron kargako. Martəgəne shiga Kəmanəm ye Shafamanəm yero moye kəlanəmnga shiro yē ngaltema yimiga.

—Watson Goodman 1920-2002

Yaye son Alaye kərawonzəga andiro tawatsəgəna: andi bi-gəma duwo Almasihu andi nankaro konu. –Rumanwu 5:8

Kawu ngəməri sokku Kəma-ye Kəlaan Kozənabedən bur-wonro, Yisaye waktunzə dina adəga kolzə na Bawabero wal-təbedə sətənarə asuwono. Kuru ngo ummawanzə dinabedəga zauro səragənədə, daji cotro kərawonzədəga sandiro fəleji-wo. –Yahaya 13:1

Yisa Almasihu sattəma jire-be, kwa shima cinowon bur-

wowo maiwa dinabega su-notində-aye Ala nandiro her-a nəlefa-a kazarzəgə. Nərga-a kəntuwo-adə shi andiga kərawonzəro kərmunzəmben bi-gəndelan səkkawu.

–Wahayi 1:5

Awoa saawu adəbero Alaye dinaga sərawu Tadanə tilo longga kaino, ndu duwo yaye shiga kasatsənamadə wande yizənyi, amma ro abadabe sə-wandə nankaro. –Yahaya 3:16

Kamye sawawanzə nankaro ronzə ladodə, kərawo adəga kozəna bawo. –Yahaya 15:13

Ashir adinndebedə zauro cibbu: Kamro walzə bayengatə, Ruhu Alabe yeye shiga dalzəna, malaiyawasoye shiga soruna, am sammaro amye shiga satsaana ye, kuru amsoye dinan shiga kasatsana ye, adəgaima Alaye shiga samiro hapsə shiga nərgazəgəna ye. –1 Timoti 3:16

“Wu-a Awanyi-adə tilo.”

–Yahaya 10:30

Awowa anyi sammabe watənzadə awo duwonyi Kəmaye ci nawiben gulzənadə cimbəlio. “Wono, Ngo kəlayak-kə suro gozə tada kwanga

sambu shiga Imanuwellan bo-wozain, maana Imanuwelbedə,” “Ala rokkonden.”

–Matiyu 1:22, 23

Yisaye shiro wono, “Wu-a nandi-adə ku ngəwuro kargaiye, amma adəson, Filibus, wuga nonəmī? Ai, kam wuga surunamadə, Bawa yega suruna. Ngama gəle Bawadəga andiro fəlesaane nəmin? Ra suro Bawaben kargako, Bawa ye suronyin kargaro yasəramī? Mana nandiro gulnzaakində kakke gənyi, Bawa suronyin dəganadə shima cidanzə sədin.”

–Yahaya 14:9, 10

Ndu duwo yaye Yisadə Tada Alabero kasatsənamadə suro Alaben karga, Ala ye suronzən karga.
–1 Yahaya 4:15

Jibirillaye jaapsəgə shiro wono, “Ruhu Alabe kəlanəmro zəpsəgin, kəntuwo Ala Mai Kərmai Kəmbobe ye nyiga zangnjin. Dalil adəbero tahir tambin adə Tada Alabelan bo-wotin.”
–Luka 1:35

Yilza Yisaro gada, “Tada Alabe, abi lambinəm andilan, wok-tuma sətənyin andiga azawu-təro wa kadim?” gada.
–Matiyu 8:29

Shində biya fowo yiryirajin isə sandiga təmgono. Kowo suro fowobedən nuksə wono, “Adəma Tadanyi zauro raakə-namawo, shima karəgənyi za-uro kəjizuwo, shiga gaiwo,” wono.
–Matiyu 17:5

Kamdəye jaapsəgə, “Barga-nəmin, ndu shiwo, ca shiga kasanngin,” wono. Yisaye shi-ro wono, “Shiga rumma, shi-ma nyiro mananzəgindəwo,” wono.
–Yahaya 9:36, 37

Awoa hal Alabe samma nəm’adam Almasihuben na-pkono.
–Kolosiwu 2:9

4 YISAYE NDU SHIWORDO KƏLANZƏ BAYANJI

Kuru Yisaye sandiro wono, “Nandi cidin kadiu, wu samin kadiko. Nandi dina adəbe, wu dina adəbe gənyi.” Yisaye sandiro wono, “Labudda haiyaro nandiro gulnzaakin, kawu Yuwuram tambinman burwonro wu mbeji.” –Yahaya 8:23, 58

“Wuro Sayinna nuwi, wuro Bargaande nuwi, labudda adəma wuwo.” –Yahaya 13:13

Daji Yisaye nanazəgə wono, “Wuma kəmbu ro fandobewo. Kam nanyiro isənamadə kənaa dəgainbawo, kuru kam wuga sasəranama ye nguduye

gadero shiga sətainbawo.”

–Yahaya 6:35

Kəla adəben Yisaye sandiro waltə wono, “Labudda haiyaro nandiro gulnzaakin, wuma gaworam dimiwabedəwo.”

–Yahaya 10:7

Yisaye shiro wono, “Wuma kəmanzə cinowo-a ro-abewo, kam wuga kasatsənamadə bajiya yaye roa dəgain.”

–Yahaya 11:25

Yisaye shiro wono, “Wuma diwaldəwo, wuma jiredəwo, wuma rodəwo; nduma wumben gənya na Bawabero ishinbawo.”

–Yahaya 14:6

Jamadəga səkkə kəla kaj-imben nanapkadanya, bənyi indidə-a gurasa uwudə-a gozə kəlanzə samiro hapsə Alaro askərzə, gurasa uwudəga nzo-nzoksə fuwurawadəro cə jama-dəro yayakcaa. Sandi samman zawu sandiga təngər cito. Kuru fifilno duwonyi gapsə fuwurawadəye sapsanadə zowo me-wun indin nga fer səmbəlio. Am duwonyi kəmbu adəga zawunasodə, kamu-a tada-a dawun baro kwangawa alamanga dəwu uwugai. –Matiyu 14:19-21

Simanye jaapsəgə, “Barganəmin, bune ngaso cidiyeso abima taiyende diye. Yaye nyiye

gulləmmadə nankaro, bərigidəga yirgəkin,” sə bərginza yirjaanya, bənyi tərəm bərginzadəga kamjingai cata.

–Luka 5:5, 6

Ngaima ci diwalben kəmbuwa laa indi napsana duwo Yisa kojın fangadanya, kowo hapsa, “Barganəmin, Diwo Daudabe, andiga njimalsane,” gada. Daji Yisa...wono, “Abi nandiro di-kiya raau?” sə sandiga cuworo. Jaapsaa, “Barganəmin, shimnde rayiye,” gada. Daji sandiga njimalzə shimnzaga leyanya, tənyi fərəmtə shiga jaa.

–Matiyu 20:30, 32b-34

YISA ALMASIHUDƏ SHIMA KƏMANDE ALAKTƏMAWO

Shimben abi-a abiana-aso alakkada; awo samin dəgana-a cidin dəgana-a turinma-a turinbama-a kərmai-a kəntuwo-a hukuma-a martawa-aso samma shimben alakkada; adəgaima shi nankadəmaro.

–Kolosiwu 1:16

Kalmadəmben abi-a abiana-aso mowongono; shimben gənya aləgəbima mowonzənyi.

–Yahaya 1:3

Kuru adəgaima nərga Ala Awandəbero samma Yisa Almasihudə shima Kəmandeworo satsain. –Filifiwu 2:11

“Adə nankaro, ngamdənza İsrayilawu sammaye noza: Yisa kam rowuwama adəma Alaye Almasihu ye Kəma yero sədo.”

–Kingayama 2:36

Alaye...amma zaman dargebe adəlan Tadzəmben andiro manajiwo. Shimben dinaga alakkono, shima kuru abi-a abiana-asoga kəmbumaro kədarzuwo. –İbranawu 1:1a, 2

Awoa Almasihu nu waltə roaro waltə cizənadə, Kəma maitu-a kam roabe-aro waltədəma nankaro nu waltə roaro walwono. –Rumanwu 14:9

YISA ALMASIHU SHIMA AM SAMMA SHARAJIN 7

Saawunzədə andi samma fuwu Alaben danyen nankaro.

–Rumanwu 14:10b

Fuwu Ala-a Yisa Almasihu shi duwo am roa-a maitu-asoro shara sädindäben nyiga don-gəna, hurmo kənshenzə-a kərmainzəbe-aro. –2 Timoti 4:1

“Sa Tada Kambe suro nər-ganzəben malaiyawa samma rokkonzənnaro ishiya, kəla dəgalinzə kərmaiben napcin. Fuwunzəlan am dinabe samma saptai, shi ye ruminga alamanga sunyima dimiwaga dawu kanyiwaben sutuluyinga-

iro amdəga zəga karapka indiro yakcin.” –Matiyu 25:31, 32

“Awadə shara ndubema sädinbawo, amma izunu shara kamtabedə samma musko Tadaməbero cikko.” –Yahaya 5:22

Bushara sanngindəye wono, yim Alaye Yisa Almasihu futamben ashir karəgə ndubeso howumnjindən adəma futuwaljinwo. –Rumanwu 2:16

“Kuru shima kam duwonyi Alaye sharatəma maitu-a am roa-abero galazoro sannyoworo andiga səkko.”

–Kingayama 10:42

Wuma gaworamdəwo, ndu duwo yaye wumben gagənamadə, katə səwandəna. Bəriro awonzə gayin ye, suluyiya sunyeram səwandin. –Yahaya 10:9

Yisaye shiro wono, “Wuma diwaldəwo, wuma jiredəwo, wuma rodəwo; nduma wumben gənya na Bawabero ishinbawo.” –Yahaya 14:6

Adəgaima kəlewa səlaiyin cidanzə tamowononya, shafatəma am shiga zaanabe fərtəro abadaro walzə. –Ibranawu 5:9

Caman adəma nankaro nandiro bigəndoa nuwidə gulwo-

ko. Biya wuma shiwooro kasanuwiga, bigəndoa nuwi.”

–Yahaya 8:24

Bani adam samma bigə sadəna, adəgaima nərga Alabero zutsanyi. Amma her duwo Alaye de sulro sədənadən Yisa Almasihuye kurwowunza gotamben fuwunzən dalgada.

–Rumanwu 3:23, 24

Nzəkkawodə nanzən gənya na ndubeman təwandinbawo, awoa shin nguron dina adə kubason kambima kam duwonyi sunzəmben nzəkkawo fandiye sə Alaye amarzəgəna bawo.”

–Kingayama 4:12

Awoa shima Almasihubero nandiga sədə Almasihu hiki-mandero walzo. Shi futamben fuwu Alaben dalgaiye, shi futamben am Alabero walgaiye, kuru shi futamben fuwu Alaben shafa ciwandiye ye.

–1 Korintiwu 1:30

Adəgaima kaiya bəlin yeza gada, “Nyidə kitawudəga gonəm jeronzəga witaro rang-nəmma, saawunzədə nyiga duwazana, adəgaima bunəmlan suru kaduwu woso-a təlambibe woso-a jili woso-a umma woso-aben Alaro am yiwumma nankaro.”

–Wahayi 5:9

Kərawon dəgaiwo, futu Alma-

sihuye andiga sərawu ronzə andi nankaro napta sadaa kəji bəbətcinben Alaro layaro cinadəgairo.

–Afisawu 5:2

“Awoa caman awo fatsəgəna manəm yikkawo nankaro Tada Kambe ye kadio.”

–Luka 19:10

Awa shi kərməinzə nurben razəgənzə duwonyi amnzəsorə sərgantəgənan kəmbumaro nawuwaro nandiga sədənadəro askəraga yiwi. Awoa shima nandiga kəntuwo kəlməskəben sutuluwu kərmai Tadanə rawobero səkkə. Shimben kurwo-wunde gotə, bigənde gafərgatə.

–Kolosiwu 1:12-14

Kərmunzəmben fuwu Alaben dalnyenadə, ashe shin futamben ngəlamaro gərgatə Alabero kanyen. –Rumanwu 5:9

Awoa Almasihube kərmu nankaro gafəra fandiye kaa-tiye. –Afisawu 1:7

Adəma bunyi duwonyi wadə bigə am kadabe gafərtə nankaro fizanadəwo. –Matiyu 26:28

Nandimaye awo nandiga yaruworo Alaye fizə hal faida baa yeiyandosoben waratanu-

wadən səkkawunadə, awo laa liwulagai au dinargai yijin gənyiro nonuwa. Nandiga bu darajaa bu Almasihubelan cikkawo. Yisaga awo waata ba balo ye baro layaro cido.

–1 Biturus 1:18, 19

Amma futu shi suro nurben dəganadəgai, andi ye diwal andiro fəlezəgənadən dəgaiyeiya, kate andi-a amandeben nəmkkamma, daji bu Tadanə Yisabe ye bigənde samma tulzə andiga shiralro sədin. –1 Yahaya 1:7

SHAFa FANDODƏ ALMASIHU KƏNZASƏRALAN 11

Awoa her Alabedəma səkkə Almasihuga kasannuwa nankaro kaatuw; adə ye kasadəndoro gənyi, nzando Alabe. Saawu adəbero ndumaye, “Cidanyi nankaro,” sə wamjinba-wo. –Afisawu 2:8, 9

Alaga kənzasərande nankaro fuwu Alaben dalnyenadəga, Bargaande Yisa Almasihumben andi-a Ala-a kəlewaatiye. –Rumanwu 5:1

“Bargaande Yisaga kasanne, nyi-a yalwanəm-aso katə fanduw,” gada. –Kingayama 16:31b

Daji shiga soworu gada,

“Abi gəle diye awowa Alaye sərəgəna diyen?” Yisaye jaap-səgə wono, “Cida Alaye sərəgənamadə, kam sunotənama-ga kasannowo.”

–Yahaya 6:28, 29

Amma adəmadə Yisadə shima Almasihu Tada Alabedəworo kasannowo, sunzə kasattəlan ro fanduw nankaro ruwowa-da.

–Yahaya 20:31

Saawunzədə ndu duwo yaye Alaben tambunamadə dinaga wopsəgəna nankaro. Alaga kənzasərandədə shima səkkə kəla dinaben kənasar ciwan-diye. –1 Yahaya 5:4

Askəra Ala Awa Bargaande Yisa Almasihubero kajiwo, Awa kanjinobe, Ala kəmanzə karəgə gənatabe.

–2 Korintiwu 1:3

Awoa Tada Kambədə caman awo fasogəna yitkaworo kadio. Adəgaima Awando sami-be ye duli anyibe falnza fat-tadə nyanzə gənyi.

–Matiyu 18:11, 14

Andiga cikkawo; andiga yikawonzədə awo laa ngəla shi-ro diyena nankaro gənyi kan-jinonzə nankaro Ruhunzəye andiga tulta tambo bəlinmi-

ben tulzə andiga bəlinro cido.

–Titus 3:5

Saawu adəbero, nda kollowo ngamdə sərro dəgali Alabe her-be naro gərtəgəiyowo, Ala ye hernzən andiga njimalsa, so-kku mərədənde cizənalən mərədənde laadarro banasa.

–Ibranawu 4:16

Askəra Ala Awa kəmanzə Bargaande Yisa Almasihube-ro kajiwo, kanjinonzə nanka-ro Yisa Almasihuga kərmun sangomben kəntambi bəlin-lan andiga səsambu, təma mur-shearə karəgəndega cikko.

–1 Biturus 1:3

ALAYE NANZƏRO ISHIWORO ANDIGA BOWOJIN

13

Ruhu Alabe-a Lorusa-aye, “Are,” gada. Kuru kam fan-zəna wosoye, “Are,” gulzə. Ndu duwo yaye ngudua sə-ragənamadə isə nji robe de sulro sa. –Wahayi 22:17

“Arowo nanyiro, nandi ngə-nəptuwa katkun kurwowua sammaso, nandiro tusu nza-dəkin.” –Matiyu 11:28

Yisaye shiro jaapsəgə wono, “Kam laa nasha ngəla kura dawarzə am ngəwu hadarjiwo. Woktu nasha kəmbubedə citənya, waladinzəga sunotə,

am hadarzəgənadəga bowozə sə, daji lezə, ‘Arowo abiso dawargata,’ wono.”

–Luka 14:16, 17

Yim adəma ngəməridəbe dargedajinzə yim adəma kurawodəwolan Yisa cizə datə-nzəro dazə, kowo hapsə wono, “Kam ngudunzəamadə isə nanyin sa.” –Yahaya 7:37

Yisaye adəga curoga karə-gənzəye wazə fuwurawanzə-ro wono, “Dulisoga kollowo nanyiro isa wande sandiga damnuwī, kərmai Alabedə jilinzabe.” –Markus 10:14

Futu am Alabe-a Yiwulisabe-a gayirnyendə adəma futun-zəwo: ndu duwo yaye awo ngəla sədinba au kamanzəga sərəgənyimadə Alabe gənyi.

–1 Yahaya 3:10

Am duwo Ruhu Alabe sandi-ga shimojinsodə sandi duliwa Alabe. Alaye Ruhunzə nandiro cinadə nandiga kənjitə-gəma gənyi sokko yaanuwi. Ruhu nandiro cinadə nandiga dulinzəro dioma, adəmaro shimben Alaro, “Bawa, Bawa,” nyen. –Rumanwu 8:14, 15

Saawunzədə duli Alabe zaman am diwi karəgə yeska-

taaben napkadagai awo wata ba shalro wallowo nankaro. Dawunzan shillewugairo nunurnowo. –Filifiwu 2:15

Saawu adəbero dawunzan luwowo, kəlandoga kanowo, wande abima waataro letuwuwi, nandiga mowokin. Wu Awandoro walngin, nandi ye dulinyi tada-a fero-abero wal-luwi, Kəma Kambo gulzo.

–2 Korintiwu 6:17, 18

Yaye am duwonyi shiga samowu sunzəga kasatsanamasodəro nərga duli Alabe kaino. –Yahaya 1:12

Hal tigəbesodə gərantənyi: kənzənaso nəmzanyiso awo fantəmaro nonguasoo sanam abatəso kəmbafiso duwunso luwalaso awo kammaro ngəkciso karəgəzauso kaanəm wonya kamma baso tawaabaso nəmkam fırtaso ngəktəso saarantəso hal mbalmabeso-a gapsənanzasoo-a. Futu can nandiro baritəgəkənadəgai kuru baritəgəkin, am hal jili anyi sadinsodə kərmai Alabelan nuwanza bawo.

–Galatiwu 5:19-21

Kollowo halnde hal kausubega sandənaro walz, wande awo nongushimiso saarantəso nyi-

me sharaye wazenaso awo sandənyi kəndoso luwalaso ngəktəso wəlzənyi. Susu adəbedəro hal Bargaande Yisa Almasihube gonowo.

–Rumanwu 13: 13, 14a

Fuwu Kəməben tadadə kuraro wəljın, wande nji anabbe-a awo laa saaranbe-a ye sanyi, kawu tambın burwonro Alaye shiga Ruhunzən səmbəlin.

–Luka 1:15

Da kəmbu-a nji anabbe kənza-a awo gade dio-aye kamanənga diwallan sutuluyinga, awodəga kəndo bama ngəlawo.

–Rumanwu 14:21

Yisaye shiro wono, “Kəma Al-anəmgə rəye karəgənəm samma shiro kolgataaro. Adə shima shara kura burwobewo.”

–Matiyu 22:37, 38

Yisa letə badiwononya kam laa səgasə isə fuwunzən ngu-rumngurumzə shiro wono, “Mə-ləm ngələma, abi dike ro abadabe fandəkin?” sə shiga cuworo. Yisaye shiro jaapsəgə wono, “Ngamaro wuro ngəla gulgam? Alan nguron nduma ngəla bawo. Sharawadəga nonəm-ma: wande kam yezəmi, wande kənzəna dimi, wande ndalləmi, wande shada kəmbi dimi, wande kam bumī, yanəm-a awa-

nəm-aro martawa ye.” Kamdə-ye jaapsəgə, “Sayinna, anyi samma təng wu ganalan jiyako,” wono. Yisaye lawartə kərawoben shiga lawarzə wono, “Awo falye nyiga mbauzəna: lene kəntanəm samma lade am duno baaro ye razəgə samin fandəmin. Adən are wuga gai,” wono. Adə kamdəye fanganya fəska dizə karəgə kuttua lewono, saawunzədə shi zauro galiwu nankaro. –Markus 10:17-22

Kam Tadadəga səwandənamadə ro səwandəna, kam Tada Alabega səwandənyimadə shilan ro bawo. –1 Yahaya 5:12

Wande kəlandoga yirwatuwī,
Alaga faizainbawo: awo kam-
ye sənātənamadə shima kam-
də kərəmjin. –Galatiwu 6:7

Tadawaso, wande kolluw
ndumaye nandiga sərwatən-
yi!... Kam bigə sədinmadə Yi-
wulisabe, awoa shi Yiwuli-
sadə burwonzəman bigə kən-
doma. –1 Yahaya 3:7a, 8a

Ha, kam diwidə kərmai Ala-
belan nuwanzə baro nonuwī
wa? Wande kasannuw nan-
diga sarwatənyi; nyime waata
kəndoma-a sanam abattəma-a
kənzənama-a luluma-a bar-

wu-a ndəlamma-a mbalma-a
kamfaroma-a lusuranma-asə
kərmai Alabelan nuwanza ba-
wo. –1 Korintiwu 6:9, 10

Wande awo manadəye gul-
zəna fantəma basro walluwī,
adə diuwinga kəlando fainu-
wi; amma susu adəbedəro
awo manadəye gulzəna kənga-
maro wallowo. –Yakub 1:22

“Saawunzədə am ngəwu sun-
yiga goza, ‘Wuma Almasihu-
dəwo,’ sa am ngəwu sarwa-
tain nankaro.” –Matiyu 24:5

18 BIGƏ KƏNDODƏ KƏRMU SUWUDIN

Kam fal futamben bigə dinaro kargawo, bigədə ye kərmu suwudo, saawu adə nankaro kərmu kəla am sammabero jiwa saawunzədə am samma bigə sadəna nankaro. –Rumanwu 5:12

Jarawa suro gojiya bigə sambin; bigə ye ngərsajiya kərmu sambin. –Yakub 1:15

Kam karəgənzə hal tigəben dəganamadə, kərmu shiga səwandin; amma karəgə duwonyi hal Ruhu Alabeben dəganadə ro-a nəlefa-an karga. Hal tigəbero karəgə nzəkkodə kəlado Alabero walta, saawunzədə shara Alabega zəganyı kuru təm-

maro zəgainba ye.

–Rumanwu 8:6, 7

Awowa duwonyi kərma sandiro nongunuwasodən abi gəle cadən sandilan riwaro fanduw? Riwanzasodə yega kərmudəma.

–Rumanwu 6:21

“ ‘Andi yayero ngəla gənyı wa kawuske diye kəji fantədə? Yanəmgana adə ca nuna amma kərma roa, ca fatsəgəna amma kərma təwandəna.’ ” –Luka 15:32

Awoa ajar bigəbedə kərmu, amma nzando Alabedə ro abadabe Bargaande Yisa Almasihu futamben. –Rumanwu 6:23

Amma Alabelāmedən Ruhu Alabeye shiga kərmun sangomben Tada Alabe kəntuwoaro tawatkatəgə, Bargaande Yisa Almasihu. –Rumanwu 1:4

Wononya, kowo hapsə, “La’azarus, are luye,” wono. Daji maitudə, shi ye təryerəna, musko ye təryerəna, fəskanzə baktan zakkata culuwo. Daji Yisaye sandiro, “Kare kutubedə winowo lezə,” wono.

–Yahaya 11:43, 44

“Kəla adəben Awanyiye wuga sərəgəna, awoa ronyi kolngiya, awonyi waltəke gongin nankaro. Kam nanyin gozəna bawo, wuma awonyi ngum-

nyiro kolngo. Izununyi ronyi koltəbe mbeji, izununyi ronyi waltəm gotabe mbeji. Adə Awanyi dero wuga səkko.”

–Yahaya 10:17, 18

Daji lezə ngangəradəga lezə, am maitudəga gozanasodə gəm daada. Daji Yisaye maitudəro wono, “Zairo, nyiro cine woko,” wononya maitudə cizə mana badiwono.”

–Luka 7:14, 15a

Wuma kəndəgamadəwo. Ca nukəna, amma kərma ngoshi roa abada abadinro kargako. Adəgaima kəntuwo kərmubəa Hadesbe-aso muskonyin kargaga.

–Wahayi 1:18

“Sayinna, shara ndaso suro Taureben zauro kurawo?” sə cuworo. Yisaye shiro wono, “Kəma Alanənga raye karəgənəm samma shiro kolgataaro. Adə shima shara kura burwobewo. Kuru kən’indimibedə ye shigai: ‘Kamanənga kəlanəmgairo raye.’ Kəla sandi indi anyibedəman Taure-a kitawuwa nawiwabe-adə samma daada,” sə shiro Yisaye hapciwo. –Matiyu 22:36-40

“Futu Bawaye wuga sərage-nadəgairo wu ye nandiga ci-raako. Adə nankaro kərawon-yilan dəgaiwo. Awo nandiro

gulngəna diuwinga, kərawon-yilan dəgawi, futu wuye awo Awanyiye wuro gulsəgə dike kərawonzəlan dəgakənadəgai. Awo səkkə awowa anyi nandiro gulgəkənadə, karəgəkə-jinyi nandilan dəga karəgəndo tai dazə kəjizə nankaro. Awo nandiga yikkəkənadə: kamandoga rawowo futu nandiga raakənadəgairo.”

–Yahaya 15:9-12

“Kamandoga rawowo, adə shara bəlin nandiro yiko. Futu nandiga raakənagai, nandi ye kamandoga rawowo.”

–Yahaya 13:34

Adəgaima na laa yen wono,
Nazaru am hikimaabedə Kə-
maye de sulro nozəna, wono.

–1 Korintiwu 3:20

Saawu adəbero woktunzə sə-
tənyilan wande ndumaro sha-
ra gənawuwī, kollowo sa Bar-
gaandebero. Sa adədə awo kə-
lməskən dəgana-a awo karəgə
kamman dəgana-asə sutulu-
yin. Adəgaima sa adəlan ndu-
so awo Kəmaye shiga zaza-
ksəna səwandin.

–1 Korintiwu 4:5

Abima suro aləgə sammaben
Alaye surinba bawo. Abi-a
abiana-asə fete farakro shiro

kajiwo, andi samma kuru
isabi kəndondebe shiro yadi-
yen. Yisa Tada Alabe, liman-
nde kura, kwa sami sammaga
rezə kozə fuwu Alabero lezə-
nadəga, nda adinndega mus-
ko indin taiyowo.

–Ibranawu 4:13, 14

Abima gərantənalən farak-
ro suluyinbama bawo, kuru
ashirbe duwo fəsattinbama ye
bawo.

–Luka 8:17

Kəmande kwa shi duwonno
adəga kure kuren yita'asuzə-
gənamadə gulzo.

–Kingayama 15:18

“Tada Kambeye malaiyawan-
zəga sunotə leza suro kərma-
inzəben am amga sakkə bigə
sadin-a am kəndo diwi sadin-
a samma hauza suro kannu təl-
təljınbero fizaa surodən ces-
herə shelinza yelzai.”

–Matiyu 13:41, 42

Sami kube-a cidi kube-aso
mana Alaben kannuro kadar-
təgə gənaada, kiyama waajiya
am Ala nozanyı-a kəlza yi-
zain.

–2 Biturus 3:7

Azawu abadaro dəmjinlan
azawatai; Kəma-a kəntuwo
nərganzəbe-a sandi-adə shim-
təri.

–2 Tasoloniwu 1:9

“Muskonəm au shinəmye
nzəkkə bigə diminga kamne
gəmne. Kəla zadənəm kəlewa
səlai goza kannu abadaro nu-
ınbaro kolzaaindəro nyiro ngə-
lanzədəga roro musko ye ba
shi ye ba gaamma ngalwo.”

–Matiyu 18:8

“Daji sandidə azawu abada
abadınbero kozaiya, mumin-
wasodə ro abada abadınbero
tamin.”

–Matiyu 25:46

Gərgatə Alabe samin kəla
ashiwa-a nəmdiwi ambe nəm-
diwinzalan diwal jirebe tut-
təmabe sammaro zəpsəgin.

–Rumanwu 1:18

“Saawunzədə shara jirebe dinaro kamzəgin sə kam shara-dəga kamtama galazə yim fal dina ngasoro kazarzuwo nankaro. Tawadə adəbedə am sammasoro kamdəga kərmun sangomben tawatciwo.”

–Kingayama 17:31

Saawu adəbero Aladə futu muminwaga jarawaro daptəbe nozəna, kuru adəgaima futu kəladowaga suro azawuben kiyama jetaro rotəbe nozəna.

–2 Biturus 2:9

Awoa ndunde woso fuwu dəgali shara Almasihuben dajin, adəgaima nduso ajar awo sok-

ku tigən dəganalan sədənabe, ngəla sədon kal diwi sədon kal səwandin. –2 Korintiwu 5:10

Kərawo karəgənden bəji ferjiya, kiyama waajiya abimaro rinyenbawo, saawunzədə dina adən andi shigai nankaro.

–1 Yahaya 4:17

Futu biya kam falro nuiya shiro shara kadartəgənadəgai.

–Ibranawu 9:27

Adəgaima maituwa ye ganankuran samma fuwu dəgalidəben dazana curuko; kitawuwa ye fəramgada, kuru kitawu gade ye fəramgada; shima kitawu robewo. –Wahayi 20:12a

Yaye son, nzando Alabe-a bigə kakande Adambədə-a tilo gənyi. Kəla bigə kam falben am kada yizaiya, ashe her Alabe-a nzando duwo her kam fal Yisa Almasihubeben təwandənədə-adə ci ngəwuro am kadaro her zəpsəgin.

–Rumanwu 5:15

Awoa nandidə her Bargaande Yisa Almasihubega nonuwa; wolau shi galiwu yaye, nandi nankaro talaaro walwono, saawunzədə kəntalaanzən nandi ye galiwunoworo.

–2 Korintiwu 8:9

Amma na duwo bigə ngəwuzənədə, her Alabe ye naden tai dazə tərgain. Saawu adəbero, futu biya bigəye kərmu suwudənədəgai, her Alabe ye fuwu Alaben andiga daltan Bargaande Yisa Almasihumben ro abada abadinbe suwudin.

–Rumanwu 5:20b, 21

Kingayamadəye, shada Bargaande Yisa waltə roaro walzə cizənabedə, kəntuwoman kəntuwoaro nanazaa satcaa. Kuru her Alabe ye gana gənyi sandiga shimojin.

–Kingayama 4:33

Kuredə ambe nəmjahilnzaro Alaye bədinzə soworwono, amma kərmadə jama samma ndaran kasharwu yaye təpsa wono.

–Kingayama 17:30

Lala, sandiga bigən kozanaro gənyi, nandi ye təmnuwīga sandigai samma yinuwi.

–Luka 13:3

“Təmnowo, saawunzədə kərmai Alabe karəngzəna,” shinaro.

–Matiyu 3:2

Daji Biturusye sandiro wono, “Təmnowo, kəla Yisa Alma-sihu kasannuwaben ndundo-soga kasalza zanawundo gafərtə. Nandi ye daji Ruhū Ala-

bedə nzandoro fanduwī. Adə nankaro təmnowo Alaro kalaktəgənowo bigəwandoga cinza.”

–Kingayama 2:38; 3:19

Karəgəkutta Alaye sərəgənamadə kamga Alaro kalaksəgə shafa suwudin, amma karəgəkutta zawal Alaben bamadə kərmu suwudin.

–2 Korintiwu 7:10

Adəgaima nandiro gulnza-akin, kəlele duwo kəla bigəma fal təpsənaben samilan tədin-də, muminwa filəgarin lukko ləgarin təptəsodəma sandilan məradətənyidəmagə kozənarə tədin.

–Luka 15:7

Amma bigəndega Alaro sat-kəgəiyeiya, shi Aladə adal ye wadənzə namjinba nankaro andiga gafərzə, awo diwi sama karəgəndelan sutuluwu andiga tahirro sədin.

–1 Yahaya 1:9

“Saawunzədə amye nandiro aiwu sadə sandiro wawuw gafərnəwiya, Awando samibe ye nandiro wazəgə bigəndo gafərjin.”

–Matiyu 6:14

Yisaye futu Alaga kasatsanadə curunya kam tigə nunaadəro wono, “Sawa, bigənəm gafərtəna,” wono. –Markus 2:5

“Nonowo barga su kam adəbebedəman gafəra bigəbedə

təwandinro nandiro wurmonzagəiyen. Alaye kəmburamnəzəro shiga nərgazəgə, Israyilawuro diwal təptabe fərənzə bigənzaga gafərtəro, mai ye nəkkawoma yero cido.”

–Kingayama 13:38b; 5:31

“Ngo wu cinnan daata nuk-kəgəkin; ndu duwo yaye kowonyi fanzə cinnadəga fərənzənamadə, suronzəro gaake kallo masana diyen.”

–Wahayi 3:20

“Kuru mawutə təmnəwo bigəndo gafərzabedə Urushelman baditə dina samməro sunzəlan sattəgin.”

–Luka 24:47

Awoa her Alabe am samma-ga shafaro bayentəna. Hern-zəye hal ibada kərizəna-a jara-wa dina adəbe-aro ngawo ka-lakkəgəiyoworo andiga allam-zəna, dina adəlan kəlandero ciskəgəiye awo waata ba dəgai-ye kəndəga Alaye sərəgənan də-gaiyowo-asoro. –Titus 2:11, 12

Awo samibero karəgə yik-kowo, wande awo dinabero karəgə yikkuwī. –Kolosiwu 3:2

Wande cida batti faida baa kəlməskəbe amye sadindəga fatkuwuwī, fisanowo.

–Afisawu 5:11

Wande dina-a awo dinabe-a

rawuwi, ndu duwo yaye dina-ga sərəgənamadə kərawo Alabe karəgənzən bawo. Awoa awowa dinabe samma awo tigəye sərə-gəna-a shimye ləgapsəna-a awo amye kəlan tokkortai-asodə samma Bawabe gənyi dinan coluwo. –1 Yahaya 2:15, 16

Yanyi am aman baaso, nonu-wī wa dinaga sawatədə Alaga watəro? Ndu duwo yaye dina-ga sawazənamadə watəma Alabero walzəna. –Yakub 4:4

Wande nandi-a am amanna sadənyiso-a lamarndo tilozən-yi. Nəmkam jilibi kate nəmn-gəla-a nəmdiwi-aben dəga?

–2 Korintiwu 6:14a

Kam Tadadəga səwandəna-madə ro səwandəna, kam Tada Alabega səwandənyimadə shilan ro bawo. –1 Yahaya 5:12

Ndu duwo yaye Alaben tam-bunamadə bigə sədinbaro non-yena, saawunzədə Tada Alabeye shiga zaksəna, adə nankaro kəladodəye shiga lejinbawo. –1 Yahaya 5:18

Amma kərma ba nandiga bargaga su Bargaande Yisa Almasihube-a Ruhu Alandebe-an tulza Alabero walluw fuwu Alaben dalluwa.

–1 Korintiwu 6:11b

Yisaye shiro jaapsəgə wono, “Tawadəro nyiro gulnzəgəkin, walta gənyi kamga cashambo-ga, kamyə nozə Alaga kolzə Alaye shiga sunotinbawo.”

–Yahaya 3:3

Saawunzədə, ndu duwo yaye Almasihuga kasatsənədə aləgə bəlinro walzəna, hal dinadə ba bəlin isəna nankaro.

–2 Korintiwu 5:17

Nandiga lakkəyinro walta cashambo. Adamndodə adam kənuma gənyi, nandidə adam mana Alabebe, mana Alabe roa abadaro karga.

–1 Biturus 1:23

BIGƏRO MAITU — ALMASIHUNBEN ROA 29

Can nandi maituwa, hal diwi-a bigə-aye nandiga cezəna. Hurmo Almasihuben Alaye andi-a Almasihu-aso səsangə sammin naptəram andiro kaino.

–Afisawu 2:1, 6

Shi kəlanzə bigənde kasatsə kəlaro gozə tigənzən azawu bigəndebe kəla kəskaben gowono, saawunzədə bigə-a firtiye kəndəga Alaye sərəgənan dəgaiyowo nankaro. Bərdinzəlan nəlefa ciwanduw.

–1 Biturus 2:24

Nandi-a Almasihu-a kəlza roaro sadə sasangənədəga, awo-wa samibe na Almasihu kəm-

buram Alaben napsənədəbe aworo karəgə yikkowo. Awo samibero karəgə yikkowo, wande awo dinabero karəgə yikkuwī. Awoa nuwa, rondo ye na Almasihuben suro Alaben karga. Almasihudə shima rondo, yim bayentiya, nandi ye nərgaaro nərgənzən rokko bayentuwi.

–Kolosiwu 3:1-4

Am Yisa Almasihubemədə, hal tigəbe-ajarawanzə-asə kəlza ceshənəna. Kəndəgənde kəndəga Ruhū Alabebeman kargaga, wande dawarnyende kəndəga Ruhū Alabebedəman dəgaiyowo. –Galatiwu 5:24, 25

“Kuru futu nawi Musaye karaan kadidəga rozəgənadəgai dole Tada Kambe yega rozaai, kəla adəben ndu duwo yaye shiga kasatsənamadə ro abadabe səwandin.”

–Yahaya 3:14, 15

Nyi Ala tilo haiyabedəga noza, Yisa Almasihu kamnəm notəmmadəga noza-adə, adəma ro abada abadinbewo.

–Yahaya 17:3

“Ndu duwo yaye Tadadəga kasatsənamadə ro abadabe səwandəna, amma kam Tadadəga kasattəro wazənamadə ro-ro gayinbawo, illa sai Alaye

shiro gərgataanzə kəlanzən dəmjin.” –Yahaya 3:36

“Ndu duwo yaye mananyiga fanzə kuru kam wuga sunotənaga kasatsənamadə, ro abadabe səwandəna. Shiro howum sadinbawo, saawunzədə kərmun falzə roro isəna nankaro.”

–Yahaya 5:24b

Her adə ye dinamə napsənyin... amma kərma ngoshi fəlangtə Nzəkkawomande Yisa Almasihuben Alaye bayenzəna, shima kərmuga yizəgə ro-a kərmuba-a busharamben fetero tawatsuwo.

–2 Timoti 1:9b, 10

Ruhu Alabe kəlanzə-a tigənde-aye andi duli Alabero tawatsaain. –Rumanwu 8:16

Andiro ro abadabe cina wono, ro adə ye suro Tadanzebən. Kam Tada daga səwandənamadə ro səwandəna, kam Tada Alabega səwandənyimadə shilan ro bawo. Ummawa nandi Tada Alabega kasannuwaso.

–1 Yahaya 5:11b-13a

Shara Alabega gaiyenga adən Alaga nonyenaro tawatkəgəiyen.

–1 Yahaya 2:3

“Ndu duwo yaye mananyiga kasatsə zəganamadə, shima kam duwonyi wuga sərəgəna-

mawo. Awanyi ye kam wuga sərəgənamadəga sərəyin, wu ye shiga raake haakaza kəlan-yiga shiro fəlegəkin.”

–Yahaya 14:21

Andi dulinzəro tawattaaro Ruhu Tadanzebə karəgəndero səkkəna, “Bawa, Bawa,” shin.

–Galatiwu 4:6

Futu shi suronden andi ye suronzənro nonyenadə masayywa Ruhunzə andiro cinadəmben nowaiye.

–1 Yahaya 4:13

“Labudda haiyaro nandiro gulnzaakin, kam wuga kasatsənamadə ro abadabe səwandəna.”

–Yahaya 6:47

ALMASIHU KARƏGƏNƏMLANGA TAMTAMNƏMMA

“Wuga kərma nanəmro is-kin, awo gulngəna anyi ye dinan kargako duwonyi gulwoko, saawunzədə kurno duwonyi karəgənyilan fangində karəgənza yen tai dazə fanza nankaro.” –Yahaya 17:13

“Kərmadəro karəgəndo kuttu, amma wu-a nandi-a turiyeiya, sa adən karəgəndo kəjijin, kuru ndumaye karəgəkəjindoga baro sədinbawo.”

–Yahaya 16:22b

Awoa kərmai Alabedə kəla kəmbu-a kənza-abən gənyi karga, shidə awo Alaye sərəgəna

kəndo-a tawaa-a karəgəkəji Ruhu Alabeye suwudində-abən karga. –Rumanwu 14:17

“Almasihu-a konuko, wu gənyi roa dəgako, Almasihu suronyilan dəga. Kəndəga duwonyi kərma tigən dəgakənədə, Tada Alabe wuga sərəwu wu nankaro ronza cinadəga kənzəsəralan kargako.”

–Galatiwu 2:20

Karəgəkəjinyi nandilan dəga karəgəndo tai dazə kəjizə nankaro. –Yahaya 15:11b

Nonuwī wa, kam laaga kəngayoro kasannuw kəlandoga yiwiya nandi kənji awo shiga gauwadəbero? Bigə jiyau yen nandi kənjinzə kərmuro nza-sadin, Ala kəngayoro walwono yen nandi kənjinzə awo Alaye səragəna diuwi.

–Rumanwu 6:16

Adəgaima kəlewa səlaiyin cidanzə tamowononya, shafatəma am shiga zaanabe fərtəro abadaro walzə.

–Ibranawu 5:9

Nandi kuttu ruwabe karəgə gənazə, andibe ye gənajin. Adə sai yim Bargaande Yisa shi-a

malaiyawanzə-a samin isainna duwo. Kam wahayi Bargaande Yisa Almasihubero ashizəna-a am Ala nozanyi-adə yim adəa kannu sambinlan azawajin. Azawu abadaro dəmjninlan azawatai; Kəma-a kəntuwo nərganzəbe-a sandi-adə shimtəri. –2 Tasoloniwu 1:7-9

“Am kazəmunza tulzana, izununza kəska robe kəmbubea cinnamben bərnyidəro gasayində kəjinza!” –Wahayi 22:14

Awoa na Alaben am Taure fanzanaso gənyi dalzain, sai am Tauredəga zaanaso.

–Rumanwu 2:13

34 ALMASIHUGA AM GADERO SATTƏGƏDƏ MBU

Kuru adəgaima nərga Ala Awandebero samma Yisa Almasihudə shima Kəmandeworo satsain. –Filifiwu 2:11

“Ndu duwo yaye fuwu amben wuga kasatsənamadə, wu ye fuwu Awanyi samiben shiga kasanngin. Amma ndu duwo yaye wuga nozənyi sə fuwu amben angərzənamadə, wu ye shiga nongənyi nge fuwu Awanyi samiben angərngin.”

–Matiyu 10:32, 33

Futu kərmaləm Ruhū Ala-bebe nonuwidə, ndu duwo yaye Yisadə shima Almasihudəworo kasatsə kuru naptə

kamben dinaro kadioro kasatsənamadə, shima Alabewo.

–1 Yahaya 4:2

Ndu duwo yaye Yisadə Tada Alabero kasatsənamadə suro Alaben karga, Ala ye suronzən karga.

–1 Yahaya 4:15

Yisa Almasihuga Kəmaro cinəmin sannəm, Alaye shiga kərmun səsangənaro karəgənəmin kasannəmiya, katəmma. Awoa karəgənəmin kasannəm duwo fuwu Alaben dalləmin, adəgaima cinəmin sannəm duwo katə fandəmin.

–Rumanwu 10:9, 10

Hangal gənanowo, kəlando-ro ciskəgənowo! Kəladondo Yiwulisa bəndi kura ngurn-gurjengairo kam kəntabe majin. Kəla kənzəsərandoben ngəlaro danowo shiga mbəllowo.

–1 Biturus 5:8, 9a

Balimi duwonyi shilan ngawetiyenadə jili dinabedə gənyiyi, shidə kəntuwo Alabe kufu dunoaga sanajin.

–2 Korintiwu 10:4

Daji Ruhū Alabeye Yiwulisa-ye Yisaga rizapsəro Yisaga karaaro cutuluwo. Yisaye shiro wono, “Nanyiyi kolle, Shetan. Kitawuye gulzəna, Ala Kəmanəm abanne, kuru shi bas-

ro nəmwaladi dero.” Daji Yiwulisaye shiga kolwono; malaiyawaso ye isa Yisaga fatcaa.”

–Matiyu 4:1, 10, 11

Awo dargedajiro gulngində, suro duno kəntuwo Kəməben dunoanowo. Nəmmangər Yiwulisabe gərtəro tilomiro kare kərigəbe Alabe gonowo.

–Afisawu 6:10, 11

Nandi am awando Yiwulisabe, kuru nya awandobedəma kəndoro manuwi; shiga burwo-man kamceji. Jirela yen shi bawo, saawunzədə shilan jire ba nankaro. Kattuwu kamjiya ye, caman adəma halnzəwo,

–Yahaya 8:44

Dulidə sandi kamdəga, shi ye aləgənza gozə kərmunzəmben Yiwulisa kwana shi kəntuwo kərmube rozənadəga yizəgə.

–Ibranawu 2:14

Kam bigə sədinmadə Yiwulisabe, awoa shi Yiwulisadə burwonzəman bigə kəndoma. Awo duwonyi səkkə Tada Alabe dinaro isənadə cida Yiwulisabe bannatə nankaro kadio.

–1 Yahaya 3:8

“‘Shimnzaga fəramnəm kəlməskəlan sandiga tuluwum nurro kudəmin; kərmai Shetanbe yen sandiga tuluwum kərmai Alabero kalakkəgəmin.

Gafəra bigənzabe sawandə am wuga kasatsa amnyiro walzanabe rokkon nəmanza sawandin.’”

–Kingayama 26:18

Ndu kərawo Almasihubelan andiga firjin? Kaimefar la, ngənəwu la, basari la, kəna la, awo zaktəbe ba la, mashiwa la, kərmu? Adə samman yaye, shi andiga sərəgənadə futamben na kənasarbemaga konyena.

–Rumanwu 8:35, 37

Saawu adəbero Alaga gaiwo, Shetanga mbəllowo duwulin-dolan suluyin. Na Alabero gərtəgənowo, shi ye nandoro gərtəgin.

–Yakub 4:7, 8a

KƏRAWODƏ SHIMA HAL FUWURAWABEWO 37

Təlam ambe nongəna malaiyawabe nongəna duwo kərawo wulan baro waljiya, kongil zanəm au faranti yelləmgai kalala ngəwu bas tako.

–1 Korintiwu 13:1

Amma hal Ruhu Alabebedə: kərawo-a karəgəkəji-a nəlefa-a kanadi-a her-a nəmzaiza-a jire-a nəmfashe-a kəla nzəliwo-a.

–Galatiwu 5:22, 23a

“Wuga rawuwamaro walwonoga, awo nandiga yikkəkəna diuwi.”

–Yahaya 14:15

Kamye, “Alaga raakəna,” shin duwo kamanzəga wazənamadə Alaga sərəgənyi kattuwu kamzo. Saawunzədə ndu du-

wo yaye kamanzə shimnzəye surunaga wazənamadə Ala shimnzəye surunyidəga raksə sərəyinbawo. –1 Yahaya 4:20

“Kamandoga tərəuwamaro walwonoga, adən nandi ummanyiro am sammaye nozai.”

–Yahaya 13:35

Kərmun luyiye roro gayiye-naro nonyena, saawunzədə kamandega rayiyena nankaro. Kam kamanzəga sərəgənyimadə suro kərmuben karga.

–1 Yahaya 3:14

Awoa Alaga kərawodə awo Alaye gulzəna kəngadəma. Kuru awo gulzənədə ye kəngaro zau gənyi. –1 Yahaya 5:3

38 YISA ALMASIHUBE KƏRMUN CITƏNZƏ

Ngawo Yisa ladəa fajar roaro walzə cizənaben burwo salakkin Meram Magdala kamu shilan jindi tulur sutuluwunadəro fəleyatəgə.

–Markus 16:9

“Awo duwonyi cidi yaudiwaben sədəna-a suro Urushelimaben sədəna-a sammabe andi shadanə. Kəskaro shiga rozaa cesheno, amma shiga ceshənəbe kawu yakkədə Alaye roaro shiga sədə kərmun səsangə shimndero fəleyatəgə. Cizənadə andi Alaye burwo-man shadamanzəro karzənadən nguronro am sammasoro gənyi fəleyatəgə. Ngawo kər-

mun cizənaben andima am duwonyi shi-a rokko masana sadə nji rokko sasanasowo.”

–Kingayama 10:39-41

Adə kozənabe kawu wuskua cabegai fuwurawadə faton cinna kəlanzaro zaksaana Toma ye rokkonzalan duwonyi, Yisa isə dawunzan gam dazə sandiro salamjiwo. Tomaro wono, “Yasərai wande shegəye nyiga sətanyi, kude ngulon-donəm na adəro yikke muskonyiga wune, ngo shitinyi muskonəm kude yikke,” wono. Daji Tomaye shiro, “Yaa Kəmanyi, Yaa Alanyi,” wono.

–Yahaya 20:26-28

KƏRMUN CITƏDƏ SHIMA AWO KARƏGƏRO YIKKIYENAWO

39

“Zaman laaro kawuye andi-ga saadin, hattaa kərmadəa zamandən kargaiye, zaman adə ye shima zaman duwonyi maituwaye kowo Tada Alabe fanzainbe, kuru am duwonyi kowonzə fanzanaso ye ro sawandin. Wande adə gulngəna nankaro ajamnuwī, awoa yim laa kawuye saadə am duwonyi kawarnyin dasawuna samma kowonzə fanza kawarlan soluyin nankaro, sa adəlan am duwonyi kəndo ngəla sadənadə cizaiya roro tamin, amma am kəndo diwi sadəna-

masodə cizaiya na howumbero kozain.”

–Yahaya 5:25b, 28, 29

Almasihu karəgənəmin kar-gaga, tigənəmdə bigə nankaro nuin yaye, fuwu Alaben dal-ləmma nankaro Ruhu Alabe nyiro ro cin. Adəgaima Ala shi Yisa Almasihuga kərmun sə-sangənadəbe Ruhunzə suronəmlan dəganaga, shi Almasihuga kərmun səsangənadəye hurmo Ruhunzə suronəmlan dəganadəbe nankaro tigənəm kənumadəro ro cin.

–Rumanwu 8:10, 11

Jamanzəga nzəkkaworo isə kurwowu amnzəbe gozəna.... Andiga musko kəladowandebelən səmowu, ritə baaro shiga gaiyen, suro nəmtahir-a nəmmumin-aben fuwunzən hattaa kawu tawawanyenro.

–Luka 1:68b, 74, 75

Yaa amanmandeso, wadə an-yi samma Alaye andi nankaro gowonodəga, nda awo-wa tigənde-a ruhunde-a ban-nazai sammalan kəlandega tuluyiyowo, Alaro ritəro kəndəga Alaye səragəna ciplan dəgaiyowo. –2 Korintiwu 7:1

Aramiwandeso, hal Alaye

səragəna nanden liuwa, sawu adəbero su Bargaande Yisaben nandiga donye bariyatəgəiye, martənowo halndo ngəla kərmabe diuwidəga kəzənarə ngəlazə. Izunu Bargaande Yisaben awo nandiro gulnyena samma nonuwa. Awo Alaye nandon mazənadə, naptə nəmtahirbe; kuru nyime sharaye wazəna samman kəlandoga tuluwowo. Adəgai-ma ndundo woso diwal Alaye səragənalən kamu səmowu. Awoa Alaye tahir dəgaiyoworo wonya, nəmdiwin dəgaiyoworo andiga bowozənyi.

–1 Tasoloniwu 4:1-4, 7

Adəgaima Yisa ye jama Alabega bunzən bigə baro dioro ngawo bəlaben ngənəpkatə.

–Ibranawu 13:12

Kawu dina alaktinman burwonro awo waata ban fuwunzən dəgaiyoworo Alaye andiga karzə jama Almasihubero walgaiye. Kərawonzə nankaro... hal bəlin Alabē kərmuminbe tahirde təkkəmuwo.

–Afisawu 1:4; 4:24

Amma kərma ba nandiga bigəro nzakkawu kənji Alabero walluwa; riwandodə ye nandi tahir, dargenzədə ye ro abadabe fanduwı. –Rumanwu 6:22

Amma bigəndega Alaro satkəgaiyeiya, shi Aladə adal ye wadənzə namjinba nankaro andiga gafərzə, awo diwi samma kəragəndelan sutuluwu andiga tahirro sədin.

–1 Yahaya 1:9

Abi-a abiana-aso futu adəgaiyin yitəgindəga, am jilibiro walluwiya ngəlawo? Ibadama hal Alabearo wallowo.

–2 Biturus 3:11

Himma gonowo am samma a katendo kəlewaro tahir dəgaiwo, nəmtahirdə бага nduma raksə Kəмага surinbawo.

–Ibranawu 12:14

“Nandi diwidə yaye awo ngə-
la tadandoro kənjo nonuwa-
dəga, futubigairo gəle Awa-
ndo samibeye am shiga sowo-
runasoro Ruhunzə cin!”

–Luka 11:13

Alaga aduza daanya, na du-
wonyi saptanadə karkar lo-
lowono. Kuru sandi sammaga
Alaye Ruhunzən cimbəlio. A-
dəgaima mana Alabe yega ka-
rəgə gowataaro satsainro ka-
shirwu. –Kingayama 4:31

Ruhu Alabe tawadəmaro ka-
rəgəndolan dəganamaro wal-
wonoga, nandi hal tigəben
gənyi hal Ruhu Alabeben kar-

gau. Kam karəgənzəlan Ruhu
Almasihube bamadə, shi Alma-
sihube gənyi. –Rumanwu 8:9

Yaye Ruhu Alabe kəlandoro
zəpsəgiya, kəntuwo fanduwı.
Nandi ye sattəgəmanyıro wal-
luw. –Kingayama 1:8a

Shi Barnabasdə shi kam zai-
za Alaga tai dazə kasatsəna
kuru Ruhu Alabela yen ferro
tədəna. –Kingayama 11:24a

Amma ummawa Kəməbeso-
də karəgənza zauro kəji ye,
kuru Ruhu Alabe yelan ferro
tatəmbəliwuna ye.

–Kingayama 13:52

WADƏWA AJABBA AM MASIHIYA ZAANASORO 43

Suro adəben andiro wadən-zə kura martawaa wadəzəgə-nadə sadə, adəmben nandi ye halnzə gonowo jarawa du-wonyi dinaga nyimejindəro katənoworo. –2 Biturus 1:4

Yisaye shiro wono, “Ranggin-maga? Ai, kam kasatsəna wo-soro abiso mowonjin,” wono. –Markus 9:23

Sawawanyiso, kəla kuttu zau nandiga rizaptə nankaro ru-wi adəben wande awo laa fai nandiro waazuwogairo ajam-nuwī. Lala, susu adəbedəro kurnotənowo, saawunzədə kuttu Almasihuye surunadəman nandi ye kaando fanduwī nan-

karo, adəman kuru yim nər-ganzə bayentənaadə karəgən-do tai dazə kəjijin.

–1 Biturus 4:12, 13

“Adəgaima shimalonza sam-maga cetcin. Fuwun kərmu ye ba karəgəkutta ye ba wala so-a wala zau fantə-a, saawun-zədə lamar dinadə ba kozəna nankaro.” –Wahayi 21:4

“Yaye anyisodəroga, burwo hawallan kərmai Alabega ka-sannuw awowa shiye sərəgə-na kəndo-aro karəgə yikkowo, awowa anyimasodə ye samma nandiro foksaain.”

–Matiyu 6:33

44 WADƏ AM JARAWAYE SUWANDƏNASORO

Awoa saawunzədə sokku shiga jarapsanadən ngənəptəna adə nankaro, am jaraptainga banaro rakkono.

–Ibranawu 2:18

Adəgaima Ala kəmanzə nəlefabə ye daji duwa Shetanga cidiro sutsəgə gəwatgəwanuwi.

–Rumanwu 16:20a

Jarawabima amga səwandinsodəga kozəna nandiga səwandənəma bawo. Adəgaima Aladə wadənəzə namtəma gənyī, saawu adəbero jarawa dunondoga kozənan kolzə jaraptuwāwo. Jarawadə ishīro

walwono yaye nandiro duno cə jarawadəro katuw nasartuwi.

–1 Korintiwu 10:13

Aladə nonyena futubison abiso her nankaro am shiga saragənasoro sədin; amdə sandima am duwo nishiwunzəye suru bowozənasowo.

–Rumanwu 8:28

Shi nəmsəmbandero abi lambonyima gənyī, awoa futu futubison jaraptiyenagai shi ye futubison shiga jarapsana, amma bigə sədənyī.

–Ibranawu 4:15

“Kam nasartənamadə adə samma zəgantin, adəgaima wu Alanzəro walngin, shi ye tādanyiro waljin.” –Wahayi 21:7

“Kam nasartənamadə shiga wasəla fato Alanyibero dikin, kuru gadero suluyinbawo. Adəgaima tigənzəro su Alanyibe-a Urushelima bəlin bəryi Alanyibe samin na Alanyiben zəpcində-a sunyi bəlinaso ruwogəkin.” –Wahayi 3:12

“Kam nasartənamadə, shi ye sandigai kare bulro gayin, kuru təmmaro sunzəga kitawu roben tuluwukinbawo.

Adəgaima fuwu Awanyi-a malaiyawanzə-aben shi kakke ngin.” –Wahayi 3:5

“Kam nasartənamadə, futu wu ye nasartəke wu-a Awanyi-a dəgalinzən namnyenadəgai shiro izunu yike wu-a shi-a dəgalinyin namnyen.” –Wahayi 3:21

“Kam səmonzəamaro walwonoga, awo Ruhu Alabeye karapkawa jama Alabebero gulzəgində fanzə. Kam nasartənamadə, shiro izunu yike kəska robe zanna Alaben dəganadə zəwin.” –Wahayi 2:7

46 ALAYE KƏLA KAMU DƏPTABEN MANAJI

Am kamuasodə yero shara adə yikin, wu gənyi Kəma co: wande kamu kwanzə-a fir-tanyi. Firtiro walwonoga kwa ba ngai dəga, adə gənya na kwanzəbero waltə kwanzə-a solota. Adəgaima kwa ye wande kamunzəga dəpsənyi. Kamudə kawu kwanzə roa karga wosoro kəlanzən nyiyaa; amma kwadə bajiya nduyaye ron-zəbe səmoyin, amma kamdə Kəмага kasatsənaro walzə.

–1 Korintiwu 7:10, 11, 39

Mizanro nyiyaro wuntəgiya, kamudə kawu kwanzə roa karga wosoro musko kwanzəben

kargarə sharaye shiga sərye-rəna, amma kwadə bajiya sharadəye kəlanzən nyiyadə baro sədəna. Saawu adəbero, kwanzə roa duwo kwa gade səmoyiya, kənzənəma shiro gultin. Amma kwanzədə bajiya, shara adəlan witəna, shi kənzənəma gənyi wolau kwa gade səmowunason yaye.

–Rumanwu 7:2, 3

Amma wu nandiro gulnza-akin, ndu duwo yaye kamunzəga kəla aiwu kənzənəben gənyi dəpkonoga, kənzənaro shiga cikko. Kuru ndu duwo yaye dəpkata səmowunamadə kənzəna sədo. –Matiyu 5:32

“Yim lenge na nandiro da-warngiya, waltəke iske nandiga nanyiro yadəkin. Adən na wu dəgakənalān nandi-a ro-kko dəgaiyen.” –Yahaya 14:3

“Sa adəlan alamaram kənshe Tada Kambebe samilan bayentin, am dinabe samma kəla shiben shesherin, daji sa adən Tada Kambe samin suro fowoben kəntuwonzəa zauro nərgaaro ishin sorin.”

–Matiyu 24:30

Sawawanyiso, andidə kərma ba duli Alabero walnyena; awo na fuwun walnyenmadə kər-madəro bayentənyi duwonyi amma sokku Almasihu ba-

yentiya Almasihugairo wal-nyendəro nonyena, awoa futu shi dəganaro shiga ruiyen. Ndu duwo yaye adəlan təman-zəamadə futu shilan bigə ba-dəgai shi ye bigəro katə.

–1 Yahaya 3:2, 3

“Ndu duwo yaye dina diwi bigəa adəlan wu-a mananyi-a sattəgəro nonguzənamadə, Tada Kambe ye yim nərga Awan-zəben malaiyawa Alabe-a....”

–Markus 8:38

“Nandi ye dawargata dəgai-wo, saawunzədə Tada Kambe ye tadəndoan gənyi ishin nankaro.”

–Luka 12:40

48 **MANA ALABE**

“Sami-a cidi-a baro walzain,
amma mananyi bajinbawo.”

—Luka 21:33

Saawunzədə kawuli nawi-
wabe ndasoma nya kamben
isəna bawo, Ruhu Alabe am
shimoza kawuli Alabe wur-
mozaa.

—2 Biturus 1:21

Ilmu samma yintə Alabe, am
allamtə-a wusatə-a shimotə-a
awo Alaye səragəna kəndoro
am allamtə-asoro faida.

—2 Timoti 3:16

Mana Alabedə zauro dunoa,
kashaar timi indiamaro timi-
awo.

—Ibranawu 4:12a

MODUANE—GAFURNE

“Ngo futu moduwanuwidə:
‘Yaa Awande samibe, sunənga
darajatə, kərməinəm mowon-
zə, awo raamma dinan tədə fu-
tu samin tədindəgairo. Andiro
kəmbunde kube sade, bigənde-
ga gafərne futu andi ye aman-
dero gafərgəiyenadəgairo. Wan-
de andiga jarawaro yikkəmi,
kəladodəro dapsane.’ Saawunzə-
də amye nandiro aiwu sadə
sandro wawuw gafərnuwiya,
Awando samibe ye nandiro wa-
zəgə bigəndo gafərjin. Amma
amye nandiro aiwu sadə san-
diro wawuw gafərtəgəro wanu-
wiya, Awando samibe ye nan-
diro wazəgə bigəndo gafərjinba
nankaro.”

—Matiyu 6:9-15

ZAWAL ALABE SHAFa FANDOBE

Shafatəma mangin.

Bani adam samma bigə sadəna, adəgaima nərga Alabero zutsanyi. –Rumanwu 3:23

Almasihu wu nankaro konu.

Saawunzədə Almasihu kəlanzəma bigənde baro kəndoro kəla bigəndeben tawaliro tilo longro konu; shi ngəladə andi am diwiga na Alabero kudoro bigə andi am diwibero konu.

–1 Biturus 3:18a

Wu bigə wangəna təpnɡin.

Adə nankaro təmnowo Alaro kalaktəɡənowo bigəwandoga cinza. –Kingayama 3:19

Kasangəna Yisaga mowokin.

Yaye am duwonyi shiga samowu sunzəga kasatsanamasodəro nərga duli Alabe kaino.

–Yahaya 1:12

Shafatəkənaro tawatəkəɡəkin.

Kam Tadadəga səwandənama-də ro səwandəna.

–1 Yahaya 5:12a

“Labudda haiyaro nandiro gulnzaakin, ndu duwo yaye mananyiga fanzə kuru kam wuga sunotənaga kasatsənamadə, ro abadabe səwandəna. Shiro hōwum sadinbawo, saawunzədə kərmun falzə roro isəna nankaro.” –Yahaya 5:24

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org
303 Kanuri HFA